



Broj: 01/1-50-3-1-3/23  
Sarajevo, 22. 2. 2023.

Prijedlog

## ZAPISNIK

### 3. sjednice Ustavnopravne komisije Predstavničkog doma

Treća sjednica Ustavnopravne komisije Predstavničkog doma (u daljnjem tekstu: Ustavnopravna komisija) održana je 22. 2. 2023, s početkom u 13 sati.

Sjednici su prisustvovali članovi Ustavnopravne komisije: Albin Muslić, Milan Petković, Marinko Čavara, Darijana Filipović, Amor Mašović, Šerif Špago, Nebojša Radmanović i Obren Petrović.

Odsutan je bio Predrag Kojović.

Sjednici su, osim članova Ustavnopravne komisije, prisustvovali i: predsjedavajući Predstavničkog doma Denis Zvizdić, sekretar Predstavničkog doma Parlamentarne skupštine BiH Marin Vukoja, Zoran Žuža iz Sektora za odnose s javnošću, Alma Salkić-Mijić iz Zakonodavno-pravnog sektora, predstavnik Misije OSCE-a u BiH, Jelena Savić i Halida Tihić iz Ministarstva sigurnosti BiH, Jovana Mirković, Marija Ćosić i Kenan Hodžić, savjetnici članova Kolegija Predstavničkog doma, Ivana Šeremet, stručna saradnica u Ustavnopravnoj komisiji Doma naroda, Igor Bajić, sekretar Ustavnopravne komisije, i Sonja Abdulovski, stručna savjetnica u Ustavnopravnoj komisiji.

Komisija je jednoglasno usvojila sljedeći

## DNEVNI RED

1. Usvajanje Zapisnika 2. sjednice, održane 30. 1. 2023;
2. Prijedlog zakona o izmjeni Zakona o zastavi Bosne i Hercegovine, broj: 01-02-1-1384/22 od 22. 8. 2022, čiji je predlagač: poslanik Denis Zvizdić, a koji se razmatra po osnovnom zakonodavnom postupku (**usklađenost sa Ustavom BiH i pravnim sistemom BiH i principi prijedloga zakona - postupak u skladu s čl. 108. i 109. Poslovnika Doma**);
3. Prijedlog zakona o dopunama Zakona o sportu u Bosni i Hercegovini, broj: 01-02-1-1386/22 od 22. 8. 2022, čiji je predlagač poslanik Denis Zvizdić, a koji se razmatra po osnovnom zakonodavnom postupku (**usklađenost sa Ustavom BiH i pravnim sistemom BiH i principi prijedloga zakona - postupak u skladu s čl. 108. i 109. Poslovnika Doma**);
4. Prijedlog zakona o graničnoj kontroli, broj: 01,02-02-1-2145/22 od 22. 12. 2022 - korigirani tekst od 2. 2. 2023, čiji je predlagač Vijeće ministara BiH, a koji se razmatra po

skraćenom zakonodavnom postupku (**usklađenost sa Ustavom BiH i pravnim sistemom BiH - postupak u skladu s članom 108. Poslovnika Doma**);

5. Zahtjev Ustavnog suda Bosne i Hercegovine, broj: 01-01-2-1752/22 od 12. 1. 2023, za davanje odgovora o Zahtjevu za ocjenu ustavnosti odredbi čl. 30. stav (5), 52. stav (3), 54. stav (2) i 129. stav (2) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH”, br. 79/14, 81/15, 97/15, 78/19, 26/20 i 53/22) čiji su podnosioci poslanici: Denis Zvizdić, Predrag Kojović, Saša Magazinović, Nermin Nikšić, Zukan Helez, Nada Mladina, Mirsad Kukić, Aida Baručija, Edita Đapo, Mirjana Marinković-Lepić i Damir Arnaut (**razmatranje zahtjeva Ustavnog suda BiH - postupak u skladu s članom 44. stav (1) tačka g, a u vezi s članom 36. Poslovnika Doma**);
6. Orijentacioni plan rada Ustavnopravne komisije Predstavničkog doma za 2023, broj: 01/1-50-3-1-3/23 od 7. 2. 2023. (**razmatranje prijedloga orijentacionog plana rada Komisije - postupak u skladu s članom 44. stav (2) Poslovnika Doma**).

#### **Ad. 1. Usvajanje Zapisnika 2. sjednice, održane 30. 1. 2022.**

Zapisnik je usvojen jednoglasno, bez primjedbi.

#### **Ad. 2. Prijedlog zakona o izmjeni Zakona o zastavi Bosne i Hercegovine, broj: 01-02-1-1384/22 od 22. 8. 2022, čiji je predlagač: poslanik Denis Zvizdić, a koji se razmatra po osnovnom zakonodavnom postupku (usklađenost sa Ustavom BiH i pravnim sistemom BiH i principi prijedloga zakona - postupak u skladu s čl. 108. i 109. Poslovnika Doma)**

Predlagač zakona, poslanik Denis Zvizdić, dao je uvodne napomene o ovoj tački dnevnog reda.. U raspravi su učestvovali: Nebojša Radmanović, Šerif Špago i Denis Zvizdić.

Nakon rasprave, Ustavnopravna komisija je **jednoglasno**:

- utvrdila da je Prijedlog zakona o izmjeni Zakona o zastavi Bosne i Hercegovine usklađen sa Ustavom Bosne i Hercegovine i pravnim sistemom Bosne i Hercegovine.

Ustavnopravna komisija je, **s pet glasova „za“** (Albin Muslić, Marinko Čavara, Darijana Filipović, Amor Mašović i Šerif Špago), **tri glasa „protiv“** (Milan Petković, Nebojša Radmanović i Obren Petrović) i bez glasova „suzdržan:

- prihvatila principe Prijedloga zakona o izmjeni Zakona o zastavi Bosne i Hercegovine.

#### **Ad. 3. Prijedlog zakona o dopunama Zakona o sportu u Bosni i Hercegovini, broj: 01-02-1-1386/22 od 22. 8. 2022, čiji je predlagač poslanik Denis Zvizdić, a koji se razmatra po osnovnom zakonodavnom postupku (usklađenost sa Ustavom BiH i pravnim sistemom BiH i principi prijedloga zakona - postupak u skladu s čl. 108. i 109. Poslovnika Doma)**

Predlagač zakona, poslanik Denis Zvizdić, dao je uvodne napomene o ovoj tački dnevnog reda. U raspravi su učestvovali Nebojša Radmanović, Albin Muslić i Denis Zvizdić.

Nakon rasprave, Ustavnopravna komisija, s **tri glasa „za“** (Albin Muslić, Šerif Špago i Amor Mašović), **pet glasova „protiv“** (Milan Petković, Marinko Čavara, Nebojša Radmanović, Darijana Filipović i Obren Petrović) i bez glasova „suzdržan“:

- utvrdila je da Prijedlog zakona o dopunama Zakona o sportu u Bosni i Hercegovini nije usklađen sa Ustavom BiH i pravnim sistemom Bosne i Hercegovine.

Ustavnopravna komisija, s **tri glasa „za“** (Albin Muslić, Šerif Špago i Amor Mašović), **pet glasova „protiv“** (Milan Petković, Marinko Čavara, Nebojša Radmanović, Darijana Filipović i Obren Petrović) i bez glasova „suzdržan“:

- nije prihvatila principe Prijedloga zakona o dopunama Zakona o sportu u Bosni i Hercegovini.

**Ad. 4. Prijedlog zakona o graničnoj kontroli, broj: 01,02-02-1-2145/22 od 22. 12. 2022 - korigirani tekst od 2. 2. 2023, čiji je predlagač Vijeće ministara BiH, a koji se razmatra po skraćenom zakonodavnom postupku (usklađenost sa Ustavom BiH i pravnim sistemom BiH - postupak u skladu s članom 108. Poslovnika Doma)**

Ovlašteni predlagač u ime Ministarstva sigurnosti BiH obrazložio je sadržaj Prijedloga zakona.

Ustavnopravna komisija je **jednoglasno**:

- utvrdila da je Prijedlog zakona o graničnoj kontroli usklađen sa Ustavom Bosne i Hercegovine i pravnim sistemom Bosne i Hercegovine.

**Ad. 5. Zahtjev Ustavnog suda Bosne i Hercegovine, broj: 01-01-2-1752/22 od 12. 1. 2023, za davanje odgovora o Zahtjevu za ocjenu ustavnosti odredbi čl. 30. stav (5), 52. stav (3), 54. stav (2) i 129. stav (2) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH”, br. 79/14, 81/15, 97/15, 78/19, 26/20 i 53/22) čiji su podnosioci poslanici: Denis Zvizdić, Predrag Kojović, Saša Magazinović, Nermin Nikšić, Zukan Helez, Nada Mladina, Mirsad Kukić, Aida Baručija, Edita Đapo, Mirjana Marinković-Lepić i Damir Arnaut (razmatranje zahtjeva Ustavnog suda BiH - postupak u skladu s članom 44. stav (1) tačka g), a u vezi s članom 36. Poslovnika Doma)**

U raspravi o ovom zahtjevu Ustavnog suda Bosne i Hercegovine učestvovali su: Šerif Špago, Albin Muslić, Marinko Čavara, Nebojša Radmanović i Amor Mašović.

Nakon rasprave, Ustavnopravna komisija Predstavničkog doma je, s **pet glasova „za“** (Marinko Čavara, Darijana Filipović, Milenko Petković, Nebojša Radmanović i Obren Petrović), **jednim glasom „protiv“** (Amor Mašović) i **dva glasa „suzdržan“** (Šerif Špago i Albin Muslić):

- konstatirala da je Poslovnik Predstavničkog doma Parlamentarne skupštine BiH donesen u skladu sa Ustavom Bosne i Hercegovine.

**Ad. 6. Orijentacioni plan rada Ustavnopravne komisije Predstavničkog doma za 2023, broj: 01/1-50-3-1-3/23 od 7. 2. 2023. (razmatranje prijedloga orijentacionog plana rada Komisije - postupak u skladu s članom 44. stav (2) Poslovnika Doma)**

Predsjedavajući Ustavnopravne komisije Albin Muslić dao je uvodne napomene o ovoj tački dnevnog reda.

Nakon kraće rasprave, Ustavnopravna komisija **je jednoglasno** usvojila Orijentacioni plan rada Ustavnopravne komisije Predstavničkog doma za 2023. godinu.

Sjednica je završena u 13.40 sati.

SEKRETAR  
USTAVNOPRAVNE KOMISIJE

**Igor Bajić**

PREDSJEDAVALJUĆI  
USTAVNOPRAVNE KOMISIJE

**Albin Muslić**